

ar ist omm d' Schnorro mungilebru¹⁴³),
 und erst die scharfo Kralla,
 di lango, strubo Zalla¹⁴⁴)!
 Jo, und zwoa Ougo, fürig-rot,
 Senn, ih hio widor omkehrt gnot!"
 „Buob, ist as woehr, säg, ist as woehr?
 Red! Heat ar dennar wüosta Hor?
 Ar weord ou nid zu üs hear ko!"
 „Senn, däna tät dor z'Odor-lo¹⁴⁵)!"
 „Varfluochte Gschicht doch ou und ou,
 gang, Buob, säg's diosna Mano-n-ou¹⁴⁶)!"
 Do Buob denkt glai, eotz undorwis-ar¹⁴⁷)
 do Köjar, Schoarar, Schwämmar. Bisar
 ou fling ga woalle uf-or- Stell
 und heat gad z'mol a bsundrigs Gfell¹⁴⁸).
 Glai seit do Schoarar aso schnoarrig:
 „As heat se jo arzoagat voarig¹⁴⁹)!
 Luo, d' Abfahrts-Rumplo¹⁵⁰) mit dor Spango,
 ist vo-n-om sealb gad nochar gango¹⁵¹)!"
 „Jo", seit do Bisar, „as heat kloekat
 und heat bim Senna nünt as boekat¹⁵²).
 Geat, p'Vögol hüt gschnättorat¹⁵³),
 und 's Veah heat p'Füoß artschlättorat¹⁵⁴),
 jo, und a Blost¹⁵⁵) ist i dear Hütto,
 as kutt ga schneio, kutt ga schütto!
 Muost numma lang druf blangora¹⁵⁶),
 schou, 's Gwölkt ist aso schwangora!"
 „Z' Nacht heb denn Soarg, ih säg dor's, Färde,
 sus und so beost füdlos dear Arde¹⁵⁷)!"
 heat glai do Köjar gseit zum Senno
 und pipporat¹⁵⁸) wi a brupfte Henno.
 „Ih niomm denn d' Schlegol-Äx is Höü¹⁵⁹),
 woast, Senn, ih wehr me wi a Löü¹⁶⁰)!"
 Do Schwämmar heat si Mul vorreosso,
 er neam di ise Tangol-Beosso¹⁶¹)!
 Und woalle druf do Schoarar,
 er neam do Knebol-Boahrar¹⁶²).
 Do Bisar ou, der bommlang Stengol,
 richt glai an alto Rumplo-Klängol.
 „Eotz soll do Klushund ga no ko,
 deam tätod mior denn z' Odor-lo!"